

Leo, 2j.



suechet dringend es nöiis Daheime i Wohnigshautig

Sali zäme

Bin ig nid e schtattliche Chatr? Ig bi dr Leo, 2jährig u scho uf dr Suechi nach eme nöiie Daheime. Warum? Mis Frouelei isch erkrankt u sy chönne mir nüm so grächt wärde, wie ig's verdiene. U itze hei sy sech entschlosse, mir es schöns Daheime z'suche, wo ig wiedr so richtig cha verwöhnt wärde. Drum!

Ig bi en ächte Chinchilla-Chatr, wie gseit erscht 2jährig, kaschtriert, gimpft, chipped u schtuberein. Es richtigs Troumbüsi, ig bi guet erzoge, cha mi benäh u mache nüt kaputt. U gsung bin ig ou, nur mini Tränechanau sy verschtopft. Das isch rassebedingt, cha mer nüt mache, nur täglech d'Ouge uswüschle, denn isch es guet. Lah ig mir ou brav mache. Ig bi aahänglech (auso bi mini Mönsche) u sähr verschpiut, ig liebe schpiue, mit auem u jädem u wiu ou bschäftiget werde. Bi Frändi u uubechannti Sache u Grüüsch bin ig abr ou ziemlech ängschtlech u schüech. Ig bruuche mini Ziit zum Aachoh. We Du es bitzeli Geduud mit-bringsch, denn schaffe mir das zäme bschtimmt. Ig schträng mi ah u toue denn scho uf. Lah mi eifach i mim Tempo aachoh. Ig chenne nur d'Wohnig mit eme gsicherete Baukon, das isch perfäkt für mi. Dusse isch es mir z'uuheimlech, so ganz allei u frei, das bruuch ig nid.

Ig wünsche mir vo Härze wiedr so liebi u geduudigi Lüüt, wie ig's chenne, ohni chliini Ching (grösseri so ab 10i sy cheis Problem) u ohni Hung. Die mache mir Angscht. E liebe Chatz wär abr tou, es Gschpändli für mi. Uf au Fäu en ganz en ruhige Huushaut. Du muesch mi eifach nur i mim Tempo lah aachoh, denn wird das scho mit üs. U en gsicherete Baukon wott ig wiedr, zum Vögeli Luege u Sünnele. Chönntisch Du mir so öppis biete u hesch Du Di scho es bitzeli i mi verliebt? Das wär's! Denn müeset mir üs unbedingt lehre chenne. Derziit wohn ig no z'Ittigen/BE, abr ig zügile gärn zu Dir, wo au immr Du wohnsch. Mäud Di doch bitte ganz gly bi dr Sonja Ball. Sy het sich mir agno u suechet für mi das nöiie Plätzli. Ig fröie mi uf Di!

Din Leo



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch